



本草綱目序例目錄第一卷上

歷代諸家本草

引據古今醫家書目

引據古今經史百家書目

采集諸家本草藥品總數

神農本草經名例

陶氏別錄合藥分劑法則

采藥六氣歲物

七方

十劑

氣味陰陽

五味宜忌

標本陰陽

升降浮沉

四時用藥例

五運六淫用藥式

五臟六腑用藥氣味補瀉

五臟五味補瀉

臟腑虛實標本用藥式

引經報使

本草綱目序例第一卷上

靳陽李時珍東壁父編輯  
武林吳毓昌玉涵父較訂

序例上

歷代諸家本草

神農本草經

掌禹錫曰舊說本草經三卷神農所作而不經見漢書藝文志亦無錄焉漢平帝紀云元始五年舉天下通知

等以梁七錄載神農本草三卷推以為始又疑所載郡縣有後漢地名似張機華佗輩所為皆不然也淮南子云神農嘗百草滋味一日而七十毒由是醫方興焉蓋上世未著文字師學相傳謂之本草兩漢以來名醫益眾張華輩始因古學附以新說通為編述本草繇是見於經錄冠宗奭曰漢書雖言本草不能斷自何代而作淮南子雖言神農嘗百草以和藥亦無本草之名惟帝王世紀云黃帝使岐伯嘗味草木定本草經造醫方以療眾疾乃知本草之名自黃帝始蓋上古聖賢具生知之智故能辨天下品物性味合世人疾病所宜後世賢智之士從而和之又增其品焉韓保昇曰藥有玉石草木蟲獸而云本草者為諸藥中草類最多也

名醫別錄

時珍曰神農本草藥分三品計三百六十五種以應周天之數梁陶弘景復增漢魏以下名醫所用藥三百六十五種謂之名醫別錄凡七卷首敘藥性之源論病名之診次分玉石一品草一品木一品藥菜一品米食一品有名未

用三品以朱書神農本草別錄進上梁武帝弘景字通明宋末為諸王侍讀歸隱勾曲山號華陽隱居武帝每咨訪之年八十五卒謚貞白先生其書頗有裨補亦多謬誤弘景自序曰隱居先生在乎茅山之上以吐納餘暇游意方技覽本草藥性以為盡聖人之心故撰而論之舊稱神農本經予以為信然昔神農氏之王天下也畫八卦以通鬼神之情造耕種以省殺生之弊宣藥療疾以拯夭傷之命此三道者歷眾聖而滋彰文王孔子多象辭解幽贊人天后稷伊尹播厥百穀惠被羣生岐黃彭扁振揚輔導恩流含氣歲踰三千民到於今

類之但軒轅已前文字未傳藥性所主當以識識相因不爾何緣得聞至於桐雷乃著在編簡此書應與素問同類但後人多更修飭之爾泰皇所焚醫方卜術不預故猶得全錄而遭漢獻逮從晉懷奔進文籍焚燬十不遺一今之所存有此三卷其所出郡縣乃後漢時制疑仲景元化等所記又有桐君采藥錄說其花葉形色藥對四卷論其佐使相須魏晉以來吳普李當之等更復損益或五百九十五或四百四十一或三百一十九或三品混糅冷熱舛錯單石不分蟲獸無辨且所主治互有得失醫家不能備見則智識有淺深今輒苞綜諸經研括煩省以神農本草經三品合三百六十五為主又進名醫別品亦三百六十五合七百三十種精粗皆取無復遺落分別科條區畛物類兼注詔時用土地所出及仙經道術所須并此序合為七卷雖未足追踵前良蓋亦一家撰製吾去世之後可貽諸知音爾

### 桐君采藥錄

時珍曰桐君黃帝時臣也書凡二卷紀其花葉形色今已不傳後人又有四時采藥太常采藥時月等書

### 雷公藥對

禹錫曰北齊徐之才撰以衆藥名品君臣性毒相反及所主疾病分類記之凡二卷時珍曰陶氏前已有此書吳氏本草所引雷公是也蓋黃帝時雷公所著之才增飾之爾之才丹陽人博識善醫歷事北齊諸帝得寵仕終尚書左

僕射年八十卒贈司徒封西陽郡王謚文明北史有傳

### 李氏藥錄

保昇曰魏李當之華陀弟子修神農本草三卷而世少行時珍曰其書散見吳氏陶氏本草中頗有發明

### 吳氏本草

保昇曰魏吳普廣陵人華陀弟子凡一卷時珍曰其書分記神農黃帝岐伯桐君雷公扁鵲華佗李氏所說性味甚詳今亦失傳

### 雷公炮炙論

時珍曰劉宋時雷敫所著非黃帝時雷公也自稱內究守國安正公或是官名也胡洽居士重加定述藥凡三百種為上中下三卷其性味炮炙製修事之法多古與文亦古質別是一家多本于乾寧要先生其首序論

述物理亦甚幽玄錄載於後乾寧先生名晏封著制伏草石論六卷益丹石家書也

### 唐本草

時珍曰唐高宗命司空英國公李勣等修陶隱居所注神農本草經增為七卷世謂之英公唐本草頗有增益顯慶中右監門長史蘇恭重加訂註表請修定帝復命太尉趙國公長孫無忌等二十二入與恭詳定增藥一百一十四種分為五

石草木人獸禽蟲魚果米穀菜有名未用十一部凡二十卷目錄一卷別為藥圖二十五卷圖經七卷共五十三卷世謂之唐新本草蘇恭所釋雖明亦多駁誤禮部郎中孔志約序曰天地之大德曰生運陰陽以播物含靈之所保曰命資亭育以盡年塾穴棲巢感物之情

蓋寬範金採木遂欲之道方滋而五味或爽時味甘辛之節六氣斯泯易愆寒燠之宜中外交侵形神分戰飲食同釁成腸胃之膏風溼候隙攝手足之災機纏膚腠莫知救止漸固膏肓期於夭折暨炎暉紀物識藥石之功靈瑞名官窮診候之術草木咸得其性鬼神無所遁情劍鏘剝犀驅洩邪惡飛丹煉石引納清和大庇蒼生普濟黔首功俾造化思過裁成日用不知於今是賴岐和彭緩騰絕軌於前李華張吳振英聲於後昔秦政煨燔絃經不預永嘉喪亂斯道尚存梁陶弘景雅好攝生研精藥術以為本草經者神農之所作不刊之書也惜其年代寢遠簡編殘蠹與桐雷眾記頗或踏駁輿言撰緝勒成一家亦以瑠瑠經方潤色醫業然而時鍾鼎時聞見關於殊方事非僉議詮釋拘於獨學至如重建平之防已棄槐里之半夏秋採偷仁冬收雲實謬梁米之黃白混荊子之牡蔓異繫縷於雞腸合由跋於鷺尾防葵狼毒妄曰同根鈎吻黃精引為連類鉉錫莫辨橙柚不分凡此比例蓋亦多矣自時厥後以迄於今雖方技分鑪名醫繼軌更相祖述罕能釐正乃復採杜衡於及已求忍冬於絡石捨陟釐而取前藤退飛廉而用馬薊承疑行妄曾元有覺瘡瘡多殆良深慨嘆既而朝議郎行右監門府長史騎都尉臣蘇恭據陶氏之乖違辨俗用之純紊遂表請修定深副聖懷乃詔太尉楊州都督監修國史上柱國趙國公臣無忌大中大夫行尚藥奉御臣許孝崇等二十二人與蘇恭詳撰竊以動植相生因方外性春秋節變感氣殊功離其本土則質同而効異乖於采摘乃物是而時非名實既爽寒溫多謬用之凡庶其欺已甚施之君父逆莫大焉於是上稟神規下詢眾議普頒天下營采藥物羽毛鱗介无速不臻根莖花實有名咸萃遂乃詳探秘要博綜方術本經雖缺有驗必書別錄雖存无稽必正考其同異擇其去取鉛翰昭章定羣言之得失丹青綺煥備庶物之形容撰本草并圖經目錄等凡成五十

## 藥總訣

禹錫曰梁陶隱居撰凡二卷論藥品五味寒熱之性主療疾病及采蓄時月之法一本題曰藥象口訣不著撰人名

## 藥性本草

禹錫曰藥性論凡四卷不著撰人名氏分藥品之性味君臣佐使主病之効一本云陶隱居撰然其藥性之功有與本草相戾者疑非隱居書也時珍曰藥性論即藥性本草乃唐甄權所著也權扶溝人仕隋為秘書省正字唐太宗時

年百二十歲帝幸其第訪以藥性因上此書授朝散大夫其書論主治亦詳又著脈經明堂人形圖各一卷詳見唐史

## 千金食治

時珍曰唐孫思邈撰千金備急方三十卷米糲素問扁鵲華佗徐之才等所論補養諸說及本草闕于食用者分米穀菓菜鳥獸蟲魚為食治附之亦頗明悉思邈隱於太白山隋唐徵拜皆不就年百餘歲卒所著有千金翼方枕中

素書攝生真錄福祿論

三教論老子莊子註



# 食療本草

禹錫曰唐同州刺史孟詵謨張鼎又補其不足者八十九種并舊為二百二十七條凡三卷時珍曰詵梁人也武后時舉進士累遷鳳閣舍人出為台州司馬轉同州刺史睿宗召用固辭卒年九十因周禮食醫之義著此書多有增益又謨必效方十卷補養方三卷唐史有傳

# 本草拾遺

禹錫曰唐開元中三原縣尉陳藏器謨以神農本草經雖有陶蘇補集之說然遺沉尚多故別為序例一卷拾遺六卷解分三卷總曰本草拾遺時珍曰藏器四明人其所著述博極羣書精覈物類訂繩謬誤搜羅幽隱自本草以來一人而已庸謫之士不察其該詳惟誚其僻惟宋人亦多刪削豈知天地品物無窮古今隱顯亦異用舍有時名稱或變豈可以一隅之見而遽譏多聞哉如辟虺雷海馬胡豆之類皆隱于昔而用于今仰天皮燈花敗扇之類皆萬家所用者若非此書收載何從稽攷此本草之書所以不厭詳悉也

# 海藥本草

禹錫曰南海藥譜二卷不著撰人名氏雜記南方藥物所產郡縣及療疾之功頗無倫次時珍曰此即海藥本草也凡六卷唐人李珣所撰珣益肅代時人收採海藥亦頗詳明又鄭虔有胡本草七卷皆胡中藥物今不傳

# 四聲本草

禹錫曰唐蘭陵處士蕭炳誤取本草藥名上一字以平上去入四聲相從以便討閱無所發明凡五卷進士王收序之

# 刪繁本草

禹錫曰唐潤州醫博士兼節度隨軍楊損之謨刪去本草不急及有名未用之類為五卷開元以後人也無所發明

# 本草音義

時珍曰凡二卷唐李含光撰又甄立言殷子嚴皆有音義

# 本草性事類

禹錫曰京兆醫工杜善方謨不詳何代人凡一卷以本草大藥名隨類解釋附以諸藥制使畏惡相反相宜解毒者

# 食性本草

禹錫曰南唐陪戎副尉劍州醫學助教陳士良謨取神農陶隱居蘇恭孟詵陳藏器諸家藥關於飲食者類之附以食醫諸方及五時調養臟腑之法時珍曰書凡十卷總集舊說無甚新義古有淮南王食經一百二十卷崔浩食經九卷竺噶食經十卷膳饌養療二十卷皆殷食醫心鑑三卷畢居中食治通說一卷陳直奉親養老書二卷並有食治諸方皆祖食醫之意也

# 蜀本草

時珍曰蜀主孟昶命翰林學士韓保昇等與諸醫士取唐本草參校增補注釋別為圖經凡二十卷昶自為序世謂之蜀本草其圖說藥物形狀頗詳於陶蘇也

## 開寶本草

時珍曰宋太祖開寶六年命尚藥奉御劉翰道士馬志等九人取唐蜀本草詳校仍取陳藏器拾遺諸書相參刊正別名增藥一百三十三種馬志為註解翰林學士盧多遜等刊正七年復詔志等重定學士李昉等詳凡神農者

白字名醫所傳者墨字別之并目錄共二十一卷序曰三墳之書神農預其一百藥既辦本草存其錄舊經三卷世所流傳名醫別錄互為編纂至梁正白先生陶弘景乃以別錄參其本經朱墨雜書時讀明白而又攷彼功用為之註釋列為七卷南國行馬志乎有唐別加參校增藥餘八百味添注為二十一卷本經漏缺則補之陶氏誤說則證之然而載歷年紀又踰四百宋字墨字無本得同舊註新注其文互缺非聖主撫大同之運永無疆之休其何以改而正之哉乃命盡攷傳誤刊為定本類例非允從而革焉至於筆頭灰兔毫也而在草部今移附兔頭骨之下半天河地漿皆水也亦在草部今移附玉石類之間敗鼓皮移附於獸皮胡桐淚改從於木類紫鑛亦水也自玉石品而取焉伏翼寶禽也由蟲魚部而移焉橘袖附於菓實食鹽附于光益生薑乾薑同歸一說至於雞腸繁縷陸英朝藟以類相似從而附之仍采陳藏器拾遺李含光音義或討源於別本或傳効於醫家參而較之辨其臧否至於突厥白舊說灰類也今是木根天麻根解以赤箭今又全異去非取是特立新條自餘刊正不可悉數下米眾議定為印板乃以白字為神農所說墨字為名醫所傳唐附今附各加顯註詳其解釋審其形性證謬誤而辨之者署為今註攷文記而述之者又為今按義既刊定理亦詳明今以新舊藥合九百八十三種并目錄二十一卷廣頒天下傳而行焉

## 嘉祐補註本草

時珍曰宋仁宗嘉祐二年詔光祿卿直秘閣掌禹錫尚書祠部郎中秘閣校理林億等同諸醫官重修本草新補八十二種新定一十七種通計一十八十二條謂之嘉祐補註本草共二十卷其書雖有校修無大

發明其序畧云神農本草經三卷藥止三百六十五種至陶隱居又進名醫別錄亦三百六十五種因而註釋分為七卷唐蘇恭等又增一百一十四種廣為二十卷謂之唐本草國朝開寶中兩詔醫工劉翰道士馬志等修增一百三十三種為開寶本草偽蜀孟昶亦常命其學士韓保昇等稍有增廣謂之蜀本草嘉祐二年八月詔臣禹錫臣億等再加校正臣等被命遠更研覈竊謂前世醫工原診用藥隨効輒記遂至增多概見諸書浩博難究雖屢加刪定而去取非一或本經已載而所述粗畧或僅俗常用而太醫未聞響非因事詳著則遺散多矣乃請因其疏摭更為補注因諸家醫書藥譜所載物品功用並從採掇惟名近迂僻類乎怪誕則所不取自餘經史百家雖非方得之急其間或有參說藥驗較然可據者亦兼收載務從該洽以副詔意凡名本草者非一家今以開寶重定本為正其分布卷類經註雜糅間以朱墨並從舊例不復釐改凡補註並據諸書所說其意義與舊文相參者則從刪削以避重複其舊已著見而意有未完後書復言亦具存之欲詳而易曉仍每條並以朱書其端云臣等謹按某書云某事其別立條者則解于其末云見某書凡所引書唐蜀二

本草為先他書則以所著先後為次第凡書舊名本草者今所引但著其所作人名曰某惟唐蜀本則曰唐本云蜀本云凡字朱墨之別所謂神農本經者以朱字名醫因神農舊條而有增補者以墨字聞於朱字餘所增者皆別立條並以墨字凡陶隱居所進者謂之名醫別錄並以其註附於末凡顯慶所增者亦註其末曰唐本先附凡開寶所增者亦註其末曰今附凡今所增補舊經未有於逐條後開列云新補凡藥舊分上中下三品今之新補難於詳辨但以類附見如絲轆次於礬石山薑花次於豆蔻扶移次於水楊之類是也凡藥有功用本經未見有舊注已曾引註今之所增但涉相類更不立條並附本註之末曰續註如地衣附于垣衣燕覆附于通草馬藻附于海藻之類是也凡舊註出於陶氏者曰陶隱居云出於顯慶者曰唐本註出於開寶者曰今註其開寶攷據傳記者別曰今按今詳又按皆以朱字別書於其端凡藥名本經已見而功用未備今有所益者亦附於本註之末凡藥有今世已常用而諸書未見無所辨證者如胡蘆巴海帶之類則請從太醫眾論參議別立為條曰新定舊藥九百八十三種新補八十二種附于註者不預焉新定一十七種總新舊一千八十二條皆隨類附著之英公陶氏開寶三序皆有義例所不可去仍載於首卷云

## 圖經本草

時珍曰宋仁宗既命掌禹錫等編本草累年成書又詔天下郡縣圖上所產藥物用唐永徽故事專命太常博士蘇頌撰述成此書凡二十一卷攷證詳明頗有發揮但圖與說異兩不相應或有圖無說或有物失圖或說是圖非如江州稂莠乃仙遺糧滁州青木香乃兜鈴根俱混列圖堂桂子即赤木瓜天花粉即括樓根乃重出條之類亦其小小疏漏耳頌字子容同安人舉進士哲宗朝位至丞相封魏國公

## 證類本草

時珍曰宋徽宗大觀二年蜀醫唐慎微取嘉祐補註本草及圖經本草合為一書復拾唐本草陳藏器本草孟詵食療本草舊本所遺者五百餘種附入各部并增五種仍米雷公炮炙及唐本食療陳藏器諸說收未盡者附於各條之後又采古今單方并經史百家之書有關藥物者亦附之共三十一卷名證類本草上之朝廷改名大觀本草慎微貌寢陋而學該博便諸家本草及各藥單方垂之千古不致淪沒者皆其功也政和中復命醫官曹孝忠校正刊行故又謂之政和本草

## 本草別說

時珍曰宋哲宗元祐中閩中醫士陳承合本草及圖經二書為一開綴數語謂之別說高宗紹興末命醫官王繼先等校正本草亦有所附皆淺俚無高論

## 日華諸家本草

禹錫曰國初開寶中明人譔不著姓氏但云日華子大明序集諸家本草近世所用藥各以寒溫性味華實蟲獸為類其言功用甚悉凡二十卷時珍曰按十家姓大姓出東萊日華子益姓大名明也或云其姓

田未審  
然否



本草衍義

時珍曰宋政和中醫官通直郎寇宗奭撰以補註及圖經二書參攷事實裁其情理援引辨證發明良多東垣丹溪諸公亦尊信之但以蘭花為蘭草卷丹為百合是其誤也書及序例凡三卷平陽張魏卿以其說分附各藥之下合

為一書

潔古珍珠囊

時珍曰書凡一卷金易州明醫張元素所著元素字潔古舉進士不第去學醫深聞軒岐秘奧參悟天人幽微言古方新病不相能自成家法辨藥性之氣味陰陽厚薄升降浮沉補瀉六氣十二經及隨診用藥之法立為

主治秘訣心法要旨謂之珍珠囊大揚醫理靈素之下一人而已後人翻為韻語以便記誦謂之東垣珍珠囊謬矣惜乎止論百品未及徧評又著病機氣宜保命集四卷一名活法機要後人誤作河間劉元素所著偽撰序文詞調於卷首以附會之其他潔古諸書多是後人依託故駁雜不倫

用藥法象

時珍曰書凡一卷元真定明醫李杲所著杲字明之號東垣通春秋書易忠信有守富而好施援例為濟源監稅官受業於潔古老人盡得其學益加闡發人稱神醫祖潔古珍珠囊增以用藥凡例諸經嚮導綱要活法著為此書謂

世人惑於內傷外感混同施治乃辨其脈證元氣陰火飲食勞倦有餘不足者辨惑論三卷脾胃論三卷推明素問難經本草脉訣及雜病方論著醫學發明九卷蘭室秘藏五卷辨析經絡脉法分此傷寒六經之則著此事難知二卷別有癰疽眼目諸書及試効方皆其門人所集述者也

湯液本草

時珍曰書凡二卷元醫學教授古趙王好古撰好古字進之號海藏東垣高弟醫之儒者也取本草及張仲景成無已張潔古李東垣之書間附已意集而為此別著湯液大法四卷醫壘元戎十卷陰證畧例癰論萃英錢氏補遺各

卷一

日用本草

時珍曰書凡八卷元海寧醫士吳瑞取本草之切於飲食者分為八門間增數品而已瑞字瑞卿元文宗時人

本草詒括

時珍曰元瑞州路醫學教授胡仕可取本草藥性圖形作詒括以便童蒙者我明劉純熙宗立傳滋輩皆有詒括及藥性賦以授初學記誦

本草衍義補遺

時珍曰元末朱震亨所著震亨義為入字彥修從許白雲講道世稱丹溪先生嘗從羅太無學醫遂得劉張李三家之旨而推廣之為醫家宗主此書益因寇氏衍義之義而推衍之近二百種多所發明但蘭草

之為蘭花胡粉之為錫粉未免泥于舊說而以諸藥分配五行失之牽強耳所著有格致餘論局方發揮傷寒辨疑外科精要新論風木問答諸書

本草發揮

時珍曰書凡三卷洪武時丹溪弟子山陰徐彥純用誠所集取張潔古李東垣王海藏朱丹溪成無已數家之說合成一書爾別無增益

救荒本草

時珍曰洪武初周憲王因念旱澇民饑咨訪野老田夫得草木之根苗花實可備荒者四百四十種圖其形狀著其出產苗葉花子性味食法凡四卷亦頗詳明可據近人翻刻削其大半雖其見淺亦書之一厄也王號誠齋性質聰敏集普濟方一百六十八卷袖珍方四卷詩文樂府等書嘉靖

中高郵王磐著野菜譜一卷繪形綴語以告救荒畧而不詳

庚辛玉冊

時珍曰宣德中賈獻王取崔昉外丹本草土宿真君造化指南獨孤滔丹房鑑源軒轅述寶藏論青霞子丹臺錄諸書所載金石草木可備丹爐者以成此書為金石部靈苗部靈植部羽毛部鱗甲部飲饌部鼎器部通計二卷凡

五百四十一品所說出產形狀分別陰陽亦可考據焉王號臞仙該通百家所著醫卜農圃琴棋仙學詩家諸書凡數百卷造化指南三十三篇載靈草五十三種云是土宿昆元真君所說抱朴子註解蓋亦宋元時方士假託者爾古有太清草木方太清服食經太清丹藥

錄黃白秘法三十六水法伏制草石論諸書皆此類也

本草集要

時珍曰弘治中禮部郎中慈谿王綸取本草常用藥品及潔古東垣丹溪所論序例畧節為八卷別無增益斤斤泥古者也綸字汝言號節齋舉進士仕至都御史

食物本草

時珍曰正德時九江知府江陵汪穎撰東陽盧和字廉夫嘗取本草之繫於食品者編次此書穎得其稿釐為二卷分為水穀菜菓禽獸魚味八類云

食鑑本草

時珍曰嘉靖時京口甯原所編取可食之物畧載數語無所發明

本草會編

時珍曰嘉靖中祁門醫士汪機所編機字省之懲王氏本草集要不收草木形狀乃削去本草上中下三品以類相從采穀通為草部果品通為木部并諸家序例共二十卷其書撮約似乎簡便而混同反難檢閱冠之以薈識陋可

知掩去諸家更覺零碎臆度疑似殊無實見僅有數條自得可取爾

# 本草蒙筌

時珍曰書凡十二卷初門醫士陳嘉謨謨字廷采嘉靖末依王氏集要部次集成每品具氣味產米治療方法創成對語以便記誦間附已意于後頗有發明便于初學名曰蒙筌誠稱其實

# 本草綱目

明楚府奉祠敕封文林郎蓬溪知縣蘄州李時珍東璧撰蒐羅百氏訪采四方始于嘉靖壬子終于萬曆戊寅稿凡三易分為五十二卷列為一十六部部各分類類凡六十標名為綱列事為目增藥三百七十四種方八十一百

十六



引據古今醫家書目

時珍曰自陶弘景以下唐宋諸本草引用醫書凡八十四家而唐慎微居多時珍今所引除舊本外凡二百七十六家

葛洪王冰注

唐宗開元廣濟方

天寶單方圖

唐德宗貞元廣利方

太倉方

宋太宗太平聖惠方

扁鵲方三卷

張仲景金匱玉函方

華佗方十卷

張仲景傷寒論成無已注

支太醫方

張文仲隨身備急方

徐文伯方

初虞世古今錄驗方

秦承祖方

王素外臺秘要方

華佗中藏經

姚和衆延齡至寶方

范汪東陽方

孫真人千金備急方

孫真人食忌

孫真人千金翼方

孫真人枕中記

席璠方

孫真人千金藏方

葉天師枕中記

蔭中秘寶方

許孝崇蘭中方

錢氏篋中方

劉禹錫傳信方

王紹顏續傳信方

延年秘錄

柳州救三死方

李絳兵部手集方

御藥院方

崔行功纂要方

劉涓子鬼遺方

乘閒集效方

陳延之小品方

葛洪肘後百一方

服氣精義方

謝士泰刪繁方

胡洽居士百病方

孫兆口訣

梅師集驗方

崔元亮海上集驗方

深師脚氣論即梅師

姚僧坦集驗方

孫氏集驗方

孟詵必效方

平堯卿傷寒類要

斗門方

韋宙獨行方

王珉傷寒身驗方

勝金方



文潞公集方

周應簡要濟方

塞上方

王袞博濟方

沈存中靈苑方

救急方

張路大効方

崔知悌勞瘁方

近効方

陳抃經驗方

陳氏經驗後方

蘇沈良方

東坡存中

十全博救方

咎殷食醫心鏡

必用方

張傑子母秘錄

楊氏產乳集驗方

咎殷產寶

譚氏小兒方

小兒宮氣方

萬全方

太清草木方

李嗣何首烏傳

普救方

神仙服食方

嵩陽王威靈仙傳

寒食散方

賈相公牛經

賈誠馬經

已上八十四家  
係舊本所引

靈樞經

王冰玄密

張杲醫說

黃帝書

褚氏遺書

李濂醫史

秦越人難經

聖濟總錄

劉氏病機賦

皇甫謐甲乙經

宋徽宗聖濟經

劉克用藥賦

王叔和脉經

張仲景金匱要略

彭祖服食經

巢元方病原論

神農食忌

神仙服食經

宋俠經心錄

魏武帝食制

李氏食經

王執中資生經

婁居申食治通說

飲膳正要

劉河間原病式

太清靈寶方

玄明粉方

劉河間宣明方

戴起宗脉訣刊誤

吳猛服椒訣

許洪本草指南

黃氏本草權度

陸氏證治本草

主宿真君造化指南

醫餘錄

月池人參傳李言聞

胡演升鍊丹藥秘訣

名醫錄

月池艾葉傳

張子和儒門事親

張潔古醫學啟源

葛蒲傳

醫鑑真信

活法機要

楊天惠附子傳

潔古家珍

李東垣醫學發明

東垣辨義論

東垣脾胃論

東垣蘭室秘藏

東垣試効方

王海藏醫家大法

海藏醫聖元戎

海藏此事難知

海藏陰證發明

羅天益衛生寶鑑

丹溪格致餘論

丹溪局方發揮

盧和丹溪纂要

丹溪醫案

楊珣丹溪心法

方廣丹溪心法附餘

丹溪活套

程允丹溪心法

滑伯仁櫻寧心要

惠民和劑局方

陳言三因方

孫真人千金月令方

嚴用和濟生方

王氏易簡方王碩

楊子建萬金護命方

繼洪濟世方

是齋指迷方王脫

楊士瀛仁齋直指方

余居士選奇方

黎居士易簡方

楊氏家藏方楊僕

濟世拔萃方杜思敬

胡澹衛生易簡方

朱瑞章衛生家寶方

許學士本事方許叔微

雞峯簡急方張銳

孫用和傳家秘寶方

王隱君養生論

真西山衛生詩

趙士衍九齋衛生方

王方慶嶺南方

嶺南衛生方

初虞世養生必用方

周憲王普濟方一百卷

虞搏醫學傳

李仲南永類珍方

周憲王袖珍方

傅濟醫學集成

薩謙齋神效經驗方

王履濟洞集

葉氏醫學統旨

萬義積善堂經驗方

戴原禮證治要訣

醫學綱目

孫氏仁存堂經驗方

戴原禮金匱鈔

醫學指南

楊氏頤真堂經驗方

劉純玉機微義

醫學切問

陸氏積德堂經驗方

劉純醫經小學

王爾醫林集要

德生堂經驗方

臞仙乾坤秘韞

饒氏醫林正宗

法生堂經驗方

臞仙乾坤生意

周良采醫方選要

劉松石保壽堂經驗方

窺玄子法天生意

楊拱醫方摘要

陳日華經驗方

梁氏總要

醫方大成

王仲勉經驗方

吳球活人心統

方賢奇効良方

劉長春經驗方

吳球諸證辨疑

閻孝忠集効方

禹講師經驗方

趙氏儒醫集要

孫天仁集効方

戴古渝經驗方

瀕湖醫案

試効錄驗方

龔氏經驗方

瀕湖集簡方

經驗濟世方

蘭氏經驗方

楊起簡便方

孫一松試効方

阮氏經驗方

坦仙皆効方

董炳集効方

趙氏經驗方

危氏得効方

危亦林

朱端章集効方

楊氏經驗方

居家必用方

經驗良方

唐璣經驗方

鄧筆峯衛生雜興

救急易方

張氏經驗方

王英杏林摘要

急救良方

龔氏經驗方

白飛霞韓氏醫通

白飛霞方外奇方

徐氏家傳方

張三丰仙傳方

溫隱居海上方

鄭氏家傳方

王氏奇方

海上仙方

談野翁試驗方

丘瓊山群書目抄

海上名方

包會應驗方

何子元群書續抄

十便良方

孟氏詵詵方

張氏瀉江切要

李樓怪證奇方

生生編

邵真人書囊雜纂

夏子益奇疾方

摘玄方

趙宜真濟急仙方

纂要奇方

端効方

王永輔惠濟方

奚囊備急方

史堪指南方

王璆百一選方

臞仙壽域神方

陳直泰親養耆書

世醫通變要法

吳曼扶壽精方

李廷飛三元延壽書

何大英發明證治

王氏醫方捷徑

保慶集

保生餘錄

神醫普救方

楊炎南行方

彭用光體仁彙編

傳信適用方

王氏究源方

王節齋明醫雜著

攝生妙用方

父元英如宜方

濟生秘覽

王氏手集

蕭靜觀方

錦囊秘覽

唐仲舉方

楊堯輔方

金匱名方

嚴月軒方

鄭師甫方

步隱方